

Dau: Dang we' Myang Kha:

Dau: Dang and a tiger



Dau: Dang we' Myang Kha:

Dau: Dang and a tiger

Tung" - Yexka Lin

Sulho - Yexka Lin

Qao: Tae Myan" - Wa

Dao: Phaug' Myan" - Lhaovo

Dao: Phaug' - Zakhaung: Zau Tong:

Be; Thug' - Saoqhid' lhang

Ba na - Sept, 2021

Author : Yexka Lin

Illustrator : Yexka Lin

Original Language : Wa

Translated Language : Lhaovo

Translator : Zakhung Zau Tawng

Edition : Test Edition

Date : Sept, 2021

Lhaovo
Myanmar

Copyright © 2021, Lhaovo Bible Translation Committee (LBTC-KBC) and NTC



<http://creativecommons.org/licenses/by-nc-sa/4.0/>

You may not use this work for commercial purposes. You may adapt and add to this work, but you may distribute the resulting work only under the same or similar license to this one. You must keep the copyright and credits for authors, illustrators, etc.



Dau: Dang ga: mang: ra" Yaug gai zo:
dayaug na: ra". Yao: wa ne, khao: ngo" seyo
khyo ye: mung: yao" byincao: pho" Myang Kha:
we' lhaung" yesab' ra". Dau: Dang wa Myang
Kha: re gyai jhid' de, mung: byincao: khyo"
zam" ngad yang: re: Myang Kha: wa vogaung:
khug mae" Nung: jham re she zo: nug yang:
Dau: Dang we' byincao: kad' ru angad nhaung.



Dau: Dang mae" myhi" pho" qe we' vobyu
 qewa yao: shid' yang zam" rure ma-o yang: re:
 Dau: Dang wa pe" shui re: manhao ngad: ra".
 Daba re Myang Kha: wa (Dau: Dang we"- ngo
 re vogaung: khyo jhui" ye: la,?) ga: ta" li" ra".
 Alao" Dau: Dang wa (magai wo". Nao re vobyu
 qe gyai ma-o ko" ngad: ra") ga: dam: ta" ke'
 ra". Aire Myang Kha: wa (alao" re: ngad va".
 Nao mabo yang: re: ngo yao: za: ye: nae") ga:
 dam: ta" ra". Dau: Dang wa (mangad: wo".
 Myang Kha: we"- nao vogaung: khyo daye: wo".
 Vobyu qe lha" gyai thaung: to: ko" ra") ga:
 nyhang" ta" yang: re: Myang Kha: wa mho dao:
 magyo: lo: za: ye" lo" byaug: ra".



Aire mug: cad' yo, mae ngad mung: thaung:
to" ra" lha" mae yethe' myi" ra". Myang Kha:
mae" myang thoe re the' gyo: lao" vobyu qe
yequ" ko" ra". Aimung: yao: bam wa (*cera"*
Myang Kha: moe; shab' yang: ce: lha" mae za:
shid vashao:) ga: ta" ko" ra". Aire mug: bo" li"
au: Dau: Dang wa Myang Kha: re lha" mae"
yepheim: ke' ra". Alao" Myang Kha: wa (*ngo re*
li" khyad' yu mung: gyai jeju so" lhe". Ngad
yang: re: ngo zo gyai moe; yang: nao re zo: ca"
ra") ga: ta" ra". Alao" Dau: Dang wa din mung:
(*ni" kao re ngo khyad' to: byid' ra" mathao nao*
ngo re magai: zo:) ga: dam: ta" ke' ra".



Aimung: yao: shid' yaug wa ce we' tin: yang:
 nyhang" sho' byid: nae" qhid' mae" pha,jhi"
 bo: ra" sag' ngad jhao" ye: ko" ra". Aire sag'
 ngad wa (*byu qe nga" sag' qab mae thang*
mung: nga" afo' re yu ko" ra"). Nga" akaung
 rere: cu: yu mung: ngo rere: ceru: dang" boe"
 sho' thau: pye' ko" ra". Byu qewa pe" jeju re:
 maba: beim: ko" ngad: ra". Aimung: Myang
 Kha: wa Dau: Dang re gai: zo" ra") ga: ta" ra".
 Alao" Myang Kha: wa (*Dau: Dang we"- nao re*
ngo zo" pye' naeva") ga: ta" li" ra".



Aire Dau: Dang wa (Nung: Laui: khyug jhao" dam: yemyid' qu" gelang:) ga: ta" ra". Nung: Laui: khyug wa (byu qewa ngo re mau" re: nhao zo: ko" ra". Ngo mao" lo" lao" re: ngo re se' mung: yang: nga" sho: jham re dam: zo: ko" ra". Ce: byu qewa pe" jeju maba: beim: ko" ngad: ra". Aimung: Myang Kha: wa Dau: Dang re gai: zo" ra") ga: dam: ta" ra". Airu: we' Myang Kha: wa (Dau: Dang we"- nao re ngo zo: naeva" wo") ga: ta" ke' ra".



Alao" Dau: Dang wa (*mangad: shi:- byincao: pho" we". Lo" thao" khyo" ngoshid' yaug Byangtai: re dam: yemyid' qu" gelang:. Ana" lhang ta" lo: ru jhao" ngo khae: yu naeva"*) ga: ta" ke' ra". Myang Kha: wa (*e alao" ana" lhang lo" thao" lhe". Cebin lao" nao re ngo zo: nae"*) ga: ta" mung: Byangtai: jhao" ye" lo" ko" ra". Aimung: yao: shid' yaug Byangtai: jhao" joe" re boe" lo: ra" akhyo we' tin: yang: nyang" za: yeta" kyo: ko" ra".



Alao" Byangtai: wa (ni" shid' yang airu: boe" ra" jo, qo khyo ngo re qo" jhui" ye: ko" i"?) ga: lham: myid' ra". Yao: shid' yang wa (qo" jhui" ye") ga: ta" mung: yan" ye" lo" ko" ra". Ai: jo, qo joe" re Byangtai: wa Myang Kha: re (Dau: Dang nao re makhyad' yu shi" au: nao khotau mae ngad:) ga: myid' ke' ra". Myang Kha: wa (ngo lha" mae ngad:) ga: ta" ra". Alao" Byangtai: wa (jeju khyo"- ngo re khoru: boe" jo; rure kad' qhu" la,) ga: ta" lao" Myang Kha: wa airu: kad' qhu" nae" ga: lha" khug dam: vao: lo" ra". Myang Kha: lha" khug joe" we' Byangtai: wa (Dau: Dang we"- aira" lha" adung: re jhid' ke' wa,) ga: ta" ke' ra".



Aiwe' Dau: Dang re: lha" adung: re nyhang"
jhid' ke' ra". Aimung: Byangtai: wa (ni" shid'
yaug we' tin: yang: ngo ta" nug: ru wa- khag'
re: khag' yham sang: jo, qo mae azhao: mae" ru:
za: dam: na ge,) ga: ta" mung: phao: lo" ra".
Alao" Dau: Dang re: Byangtai: re jeju beim:
dao: ta" mung: yao" yham khyo dam: phao: lo"
byaug: ra". Aimung: nyhao: nhaung" re: Dau:
Dang ru: byincao: magari: zam" shad'. Aimung:
yham sang re khyad' yu: ra" yaug re re: jeju
ba: beim: nae" magari: to" myhid' ngad: ra"
wo".

